



ՌԵԴԵՐԻ ԱՆՎՏԱՆԳՈՒԹՅՈՒՆԸ

Դեղերի և բժշկական տեխնոլոգիաների փորձագիտական կենտրոնի հաղորդագրեր

Դեղերի կողմնակի և վնասակար ազդեցությունների դիտարկման բաժին

Այս համարում

1. **Ռոզիգլիտազոն**
2. **Կլոպիդոգրել և պրոտոնապոմպի արգելակիչներ**
3. **Մերոտոնինաբնույթ դեղեր**
4. **Լամտորիջին**
5. **Պրեգաբալին**

Ռոզիգլիտազոն: Միքտանոթային հիվանդությունների զարգացման վտանգ:

Նոր Ձելանդիա: Համաձայն Դեղերի անվտանգության գործակալության /Medsafe/ հաղորդագրության՝ միջազգային հետազոտությունների արդյունքում պարզվել է, որ ռոզիգլիտազոն դեղով բուժվողներին սպառնում է սիրտանոթային ախտահարումների զարգացման վտանգը, ինչի կապակցությամբ բժիշկներին խորհուրդ է տրվում ուշադիր լինել և ամենայն խստությամբ հետևել այս դեղի հակացուցումներին, նախագուշացումներին և մշտադիտարկման պահանջներին: Հաղորդագրության մեջ նշվում է, որ ռոզիգլիտազոնը խորհուրդ չի տրվում նշանակել՝

- սրտային անբավարարությամբ,
- սուր պսակային համախտանիշով կամ սրտի իշեմիկ հիվանդությամբ,
- ինսուլին ստացող հիվանդներին:

Ռոզիգլիտազոնով բուժվող հիվանդների շրջանում պետք է ուշադրություն դարձնել օրգանիզմում հեղուկականգի, քաշի ավելացման և սրտային անբավարարության տեսքով կողմնակի ազդեցություններին: Դեղի կիրառումը պետք է դադարեցնել սրտի ֆունկցիայի խանգարման դեպքում:

Prescriber Update, vol. 31 No 3, 2010

Կլոպիդոգրել և պրոտոնապոմպի արգելակիչներ: Նորացված տվյալներ:

Միացյալ Թագավորություն: Դեղերի կարգավորիչ գործակալությունը (MHRA) տարածել է հաղորդագրություն այն մասին, որ առկա են կլոպիդոգրելի և պրոտոնապոմպի արգելակիչների միաժամանակ կիրառման հետևանքով

հնարավոր դեղային փոխազդեցության մասին նորացված տվյալներ:

Համաձայն հաղորդագրության՝ խորհուրդ չի տրվում միաժամանակ կիրառել կլոպիդոգրել և պրոտոնապոմպի արգելակիչներից՝ հատկապես օմեպրազոլ և/կամ էսօմեպրազոլ, քանի որ արդյունքում կարող է դիտվել կլոպիդոգրելի արդյունավետության թուլացման: Այն կարող է նպաստել թրոմբոզների, այդ թվում՝ սրտամկանի ինֆարկտի զարգացման վտանգի աճին:

Բժիշկներին խորհուրդ է տրվում՝

- Կլոպիդոգրել կիրառող հիվանդներին պրոտոնապոմպի արգելակիչներ նշանակելիս խուսափել օմեպրազոլից և էսօմեպրազոլից:
- Խուսափել կլոպիդոգրելի և CYP2C19 արգելակիչների միաժամանակյա կիրառումից, քանի որ կոդիտվի միննույն ազդեցությունը, ինչ՝ կլոպիդոգրելի և օմեպրազոլի կամ էսօմեպրազոլի միաժամանակյա կիրառումից (CYP2C19 արգելակիչներից են՝ ֆլուվոքսամինը, ֆլուօքսետինը, մոկլոթեմիդը, վորիկոնազոլը, ֆլուկոնազոլը, տիկլոպիդինը, ցիպրոֆլոքսացինը, ցիմետիդինը, կարբամազեպինը, օքսկարբազեպինը և քլորամֆենիկոլը):

WHO Pharmaceuticals Newsletter No 3, 2010

Մերոտոնինաբնույթ դեղերի կիրառումը հղիության ընթացքում: Կայուն թոքային գերձնշման վտանգ:

Միացյալ Թագավորություն: Դեղերի կարգավորիչ գործակալությունը (MHRA) տեղեկացնում է այն մասին, որ համաձայնաբանական տվյալները վեր են հանել հղիության ընթացքում սերոտոնինի հետզավթման ընտրողական արգելակիչների (մասնավորապես ուշ շրջանում) կիրառումից նորածինների կայուն թոքային գերձնշման զարգացման վտանգի աճ: Նորածինների թոքային զարկերակի գերձնշման արդյունքում զարգանում է սուր թթվածնաքաղց: Բժիշկներին կոչ է արվում հետևել հղիության վերջին փուլում գտնվող

կանանց կողմից սերոտոնինի հետզավթման ընտրողական արգելակիչների և սերոտոնին-նոադրենալինի հետզավթման արգելակիչների կիրառմանը: Խորհուրդ է տրվում մանրամասն հետազոտել այն նորածիններին, որոնց մայրերը հղիության ընթացքում կիրառել են սերոտոնինի հետզավթման ընտրողական արգելակիչներ կամ սերոտոնին-նոադրենալինի հետզավթման արգելակիչներ՝ նորածինների կայուն թոքային գերճնշման ախտանիշների բացահայտման նպատակով:

WHO Pharmaceuticals Newsletter No 3, 2010

Լամոտրիջին: Ասեպտիկ մենինգիտի զարգացման վտանգ :

ԱՄՆ: Սննդի և դեղերի վարչությունից ստացել է տեղեկություն այն մասին, որ լամոտրիջին դեղի կիրառումից կարող է զարգանալ ասեպտիկ մենինգիտ: Լամոտրիջինը կիրառվում է 2 և ավելի տարեկան երեխաների էպիլեպսիայի և մեծահասակների երբևեռային խանգարումների բուժման նպատակով:

Մենինգիտի ախտանիշներից են գլխացավը, տենդը, պարանոցային մկանների կարկամությունը, սրտխառնոցը, փսխումը, ցանը և լուսազգայնությունը:

Համաձայն հաղորդագրության՝ 1994 թ-ի դեկտեմբերից մինչ 2009 թ.-ի նոյեմբերն ընկած ժամանակահատվածում գրանցվել է ասեպտիկ մենինգիտի զարգացման 40 դեպքի վերաբերիչ հաղորդագրություն:

Դեպքերի մեծամասնությունը վերացել է լամոտրիջինի կիրառումը դադարելուց հետո, իսկ 15 հիվանդի մոտ դեղի կրկնակի նշանակման ժամանակ դիտվել է կողմնակի ազդեցության կրկնում:

Ելնելով վերոնշյալից՝ բժիշկներին խորհուրդ է տրվում լամոտրիջին կիրառելիս մենինգիտի ախտանիշներ նկատելու դեպքում այդ հիվանդության զարգացման այլ պատճառների բացառման պարագայում դադարեցնել դեղի կիրառումը և իրականացնել համապատասխան բուժում:

WHO Pharmaceuticals Newsletter No 5, 2010

Պրեզաբալին: Ինքնասպանության մտահղացում և փորձ:

Կանադա: Կանադայի առողջապահության նախարարությունը բժիշկներին և հիվանդներին տեղեկացնում է այն մասին, որ պրեզաբալինի կիրառումից կարող է ծագել ինքնասպանություն գործելու մտահղացում և փորձ: Համաձայն հաղորդագրության՝ 2005թ-ի հուլիսից մինչև 2009 թ-ի դեկտեմբերն ընկած ժամանակահատվածում գրանցվել է պրեզաբալինի կիրառմամբ պայմանավորված ինքնասպանության մտահղացման 16 և փորձի 1 դեպքի վերաբերյալ հաղորդագրություն:

Դեղաչափը փոքրացնելիս կամ դեղի կիրառումը դադարեցնելիս 16 դեպքից 7-ի ինքնասպանություն գործելու ցանկությունը վերացել է, 1-ինը կրկնվել է պրեզաբալինի կրկնակի նշանակման ժամանակ: Հաղորդագրության մեջ նշվում է նաև, որ տարաբնույթ քրոնիկական ցավերով տառապող հիվանդները գտնվում են դեպրեսիայի զարգացման վտանգի խմբում, ինչը կարող է հանգեցնել ինքնասպանություն գործելու մտահղացմանը կամ փորձին, հետևաբար նման հիվանդների կողմից պրեզաբալինի կիրառումը կարող է բերել պատճառահետևանքային կապի սխալ ընկալմանը:

WHO Pharmaceuticals Newsletter No 4, 2010

**Հասցեն՝ 0001, ք. Երևան, Սոսկոյան 15/1
Դեռ.՝ (374 10) 58 40 20, 58 41 20
Ֆաքս՝ (374 10) 54 24 06
Էլ-փոստ: naira@pharm.am
Web : <http://www.pharm.am>**

Պուք կօզնեք հազարավոր հիվանդների, եթե տեղեկացնեք մեզ դեղի կասկածելի կողմնակի ազդեցությունների մասին :